

ՀԱՇՎԵՏՎՈՒԹՅՈՒՆ
Մասնագիտական կրթության որակի ապահովման բաժնի 2019-20 ուստարվա
գործունեության վերաբերյալ

Մասնագիտական կրթության որակի ապահովման բաժինը յուրաքանչյուր ուստարի իր գործունեությունը պլանավորում և իրականացնում է մասնաճյուղի զարգացման ռազմավարական միջնաժամկետ պլանին համապատասխան: Ընթացիկ ուստարում բաժինն առաջնորդվել է մասնաճյուղի 2016-2020թթ. զարգացման ռազմավարական ծրագրից բխող 2018-2020թթ. միջնաժամկետ պլանի դրույթներով և իր 2019-20 ուստարվա գործունեությունը կազմակերպել է հաստատված աշխատանքային պլանով:

Հաշվետու ուստարում աշխատանքային պլանը ներառել է 18 գործողություն: Դրանց հիմնական մասի շրջանակներում բաժինը իրականացրել է համապատասխան գործընթացներ, որոշ գործողությունների շուրջ կան բացթողումներ:

Մի շարք գործընթացներ կազմում են բաժնի գործունեության հիմնական բաղադրիչ մասը: Մասնավորապես, յուրաքանչյուր ուստարում բաժինը.

1. Իրականացնում է մասնաճյուղի գործունեության գնահատման առանցքային ցուցանիշների (ԳԱՑ-ի) վերաբերյալ տեղեկատվության հավաքագրում, համալրում և վերլուծություն: Ընթացիկ ուստարվա սկզբին ստորաբաժանումներից հավաքագրել է համապատասխան ցուցանիշները, ըստ այդ ցուցանիշների մասնաճյուղի գործունեության վերլուծությունները և կազմել է 2014-19թթ. մասնաճյուղի գործունեության գնահատման առանցքային ցուցանիշների զեկույցը:

2. Տրամադրում է խորհրդատվություն “Դասընթացների փաթեթներ”-ի մշակման վերաբերյալ (ՌԾ, գործ. 1.2.5): Ընթացիկ ուստարում ուղեցույցը վերանայվել է՝ հաշվի առնելով ամբիոններում փաթեթների ուսումնասիրությունների արդյունքում հավաքագրված խնդիրները: Համեմատաբար թեթևացվել են պահանջները, ներառվել են որակի ապահովման մեխանիզմներ: Այն ներկայացվել է ամբիոններ հաջորդ կիսամյակներում նոր դասընթացների փաթեթները կազմելուց կամ հները վերանայելուց կիրառելու համար:

3. Աշխատում է կրթական ծրագրերի ղեկավարների և ամբիոնների հետ, պարբերաբար աջակցում է կրթական ծրագրերի կազմման աշխատանքներում, ապահովում է նոր կրթական ծրագրերի առաջարկի հայտերի կազմման գործընթացը, մասնաճյուղի տնօրենի աջակցությամբ կազմակերպում է կրթական ծրագրերի արտաքին փորձաքննության հարցը, կազմակերպում է դրանց հաստատման գործընթացը: Հաշվետու ուստարում բաժնի աջակցությամբ կազմվել են մագիստրոսական երկու կրթական ծրագրերի՝ **«Դպրոցական մանկավարժություն և մեթոդիկա»** և **«Տնտեսական քաղաքականություն և իրավունք»** առաջարկի հայտերը, բակալավրի երկու կրթական ծրագրեր՝ **«Ռուսաց լեզու և գրականություն»** և **«Հոգեբանություն»** անցել են արտաքին փորձաքննություն ԵՊՀ-ում, ընթացքի մեջ է 2020-24 կրթական ծրագրերի վերանայման և մշտադիտարկման գործընթացը (ՌԾ, գործ. 1.3.2) :

4. Տարբեր մեխանիզմներով կատարում է արտաքին և ներքին շահակիցների կրթական կարիքների ուսումնասիրություն, վեր է հանում խնդիրները, հավաքագրում է նրանց առաջարկները, կատարում դրանց վերլուծություն և ներկայացնում մասնաճյուղի ղեկավարությանը և համապատասխան ստորաբաժանումներին: Այս գործընթացներում

բաժնին աջակցում է դեռևս 2018թ.-ին ստեղծված ուսանողական աշխատանքային խումբը (ՌԾ, գործ. 1.3.1):

5. Պարբերաբար առաջարկություններ է ներկայացնում մասնաճյուղի պաշտոնական կայքի արդյունավետության բարելավման, հարստացման, թափանցիկության ապահովման ուղղությամբ: Մասնավորապես, կայքում ավելացվել են նոր բաժիններ ներքին և արտաքին շահակիցներին թափանցիկ և մատչելի տեղեկատվություն ապահովելու համար: Դրանք են. «Ուսանող» բաժնում՝ **Կրթական ծրագրեր**, որում ներառված ցանկը պարունակում է տեղեկատվություն մասնաճյուղում իրականացվող կրթական ծրագրերի, նրանց ղեկավարների մասին և հղում համապատասխան կրթական ծրագրերի վրա, ներկայացված են բոլոր կրթական ծրագրերի վերջնարդյունքները, «Կրթության որակի կառավարում» բաժնում՝ Ուղեցույցներ, «ԵՊՀ ԻՄ կառուցվածք» բաժնում՝ Աշխատակազմ: Արտաքին կապերի բաժնի հետ համատեղ վերախմբագրվել են բոլոր բաժինները, մշտապես թարմացվում է ամբողջ տեղեկատվությունը (ՌԾ, գործ. 3.1.3, 8.4.6, 9.1.3):

Աշխատանքային պլանի շրջանակներում բաժինն իրականացրել է նաև հետևյալ աշխատանքները.

1. Մշակել է «Էթիկայի կանոնագիրք», որում սահմանված են էթիկայի սկզբունքները, ակադեմիական ազնվություն և անազնվություն, ԵՊՀ ԻՄ ղեկավարների, վարչական և ակադեմիական աշխատակազմի և ուսանողների էթիկական վարքագծի կանոնները, կարգապահական տույժերը և նրանց տրման ընթացակարգը, էթիկայի հանձնաժողովի իրավասությունները և պարտականությունները: Կանոնագիրքը քննարկվել է ստորաբաժանումներում, ապա առաջարկների հիման վրա և իրավաբանի կողմից այն վերախմբագրվել է, բերվել որոշակի տեսքի և հոկտեմբերին ներկայացվել տնօրենին (ՌԾ, գործ. 1.2.6, 8.4.1): Երկրում ստեղծված իրավիճակից կախված էթիկայի կանոնագիրքն ամբողջությամբ առայժմ ճի գործարկվում:

2. Նոյեմբերին բաժինը համակարգել է ԵՊՀ հավատարմագրման շրջանակներում մասնաճյուղի տվյալների պատրաստման և ԵՊՀ ՈԱԿ ուղարկելու գործընթացը: Ըստ ԵՊՀ-ից ստացած ձևաչափերի կազմակերպվել է անհրաժեշտ տվյալների հավաքագրում:

3. Դեկտեմբերին բաժինն իրականացրել է մասնաճյուղի 2016-20թթ. զարգացման ռազմավարական ծրագրի 2018-19 ուստարվա կատարողականի վերլուծություն: Ըստ բաժնի կողմից մշակված հատուկ ձևաչափի ստորաբաժանումներից հավաքագրվել են ռազմավարական ծրագրի կատարման վերաբերյալ վերլուծությունները, ապա կազմվել է համապատասխան զեկույցը:

4. Դեկտեմբերին բաժինը կազմակերպել է ԵՊՀ Իջևանի մասնաճյուղի 25-ամյակին նվիրված «Ես վստահում եմ իմ բուհին» խորագրով աշխատածո: Այն մասնաճյուղի զարգացման ռազմավարական մի շարք խնդիրների շրջանակներում իրականացվող միջոցառում էր և նպատակ ուներ վերհանել մասնաճյուղի ուսանողների և դասախոսների կրթական խնդիրները, բացահայտել, կամ ուղղակի ներկայացնել ուսանողների և դասախոսների մոտիվացիային խանգարող օբյեկտիվ և սուբյեկտիվ գործոնները և քննարկումների արդյունքում գտնել, որոնք կամ ուղղակի վեր հանել դրանց հաղթահարման ճանապարհները: Բաժնին կից ուսանողական աշխատանքային խմբի

աջակցությամբ նախապես ուսանողների և դասախոսների շրջանում անց է կացվել նրանց մոտիվացիայի վերաբերյալ հարցում, որոնց արդյունքները ներկայացվել են աշխատաժողովի ժամանակ:

5. 2019 թվականի սեպտեմբեր-դեկտեմբեր ամիսներին բաժնի ֆեյսբուքյան էջի միջոցով իրականացվել է մասնաճյուղի գործունեության վերաբերյալ հասարակության կարծիքի ուսումնասիրություն: Հարցմանը մասնակցել են Տավուշի մարզի (մեծամասամբ) և այլ մարզերի 32 համայնքների թվով 183 բնակիչներ: Հարցումը նպատակ ուներ պարզել մասնաճյուղի գործունեությունից տեղեկացվածության, Տավուշի մարզի սոցիալ-մշակութային և ուսումնագիտական կյանքում նրա ունեցած դերի և պահանջվածության վերաբերյալ հասարակության (ուսանողներ, շրջանավարտներ, ծնողներ, գործատուներ և այլն) կարծիքը: Հարցման մասնակիցների **91%-ը** ԵՊՀ ԻՄ-ի ունեցած դերը գնահատել է լավ, որից **60%-ը** գերազանց: Միջին գնահատականը կազմել է 4.5:

6. 2019 թվականի սեպտեմբեր-դեկտեմբեր ամիսներին բաժինը կատարել է 2018-19 ուստարվա ավարտին ներքին շահակիցների՝ դասախոսների, ուսանողների և վարչական աշխատակազմի շրջանում առցանց անցկացրած «ԵՊՀ ԻՄ-ից բավարարվածության» հարցումների արդյունքների վերլուծություն: Ուսանողական հարցման շրջանակներում պարզվում է ուսանողների բավարարվածությունը մասնաճյուղի ռեսուրսներից, պրակտիկաների կազմակերպման և ուսանողների գնահատման գործընթացներից: Դասախոսական հարցման շրջանակներում պարզվում է դասախոսների բավարարվածությունը ռեսուրսներից, ուսանողների գնահատման գործընթացից և գիտական գործունեությունից: Բոլոր հարցումների արդյունքներն առանձին բաժիններով վերլուծվել են, դուրս են գրվել խնդիրները և առաջարկները: Արդյունքները տեղադրվել են մասնաճյուղի պաշտոնական կայքում և ուղարկվել են ստորաբաժանումներին:

6. 2020թ. հունվար-մարտ ամիսներին բաժինը համակարգել է մասնաճյուղի ինստիտուցիոնալ ինքնագնահատման գործընթացը: Աշխատել է բոլոր խմբերի հետ: Ինքնագնահատման զեկույցը կազմվել է և ներկայացվել տնօրենին (ՌԾ, գործ. 1.3.5):

7. «Երիտասարդ դասախոսների աջակցման և առաջավոր փորձի փոխանցման կենտրոնին» աջակցման շրջանակներում և դասախոսական կազմի մանկավարժական կարողությունները և հմտություններն արդիականացնելու ու զարգացնելու նպատակով բաժինը 2020թ. ապրիլին կազմել է «Ինչպե՞ս օգտագործել Google forms ձևաչափի հնարավորությունները առցանց քննությունների համար» մեթոդական ուղեցույցը և երկու տեսահոլովակ: Մայիսին կազմակերպվել են վերապատրաստման դասընթացներ, որոնց նպատակն էր մասնաճյուղի դասախոսներին աջակցել առցանց քննությունների կազմակերպման գործում, ներկայացնել առցանց կրթության պայմաններում ուսանողների ձեռքբերումների ստուգման և քննությունների կազմակերպման ամենատարածված, մատչելի և կիրառելի էլեկտրոնային գործիքներից մեկը՝ **“Google forms”** ձևաչափը (ՌԾ, գործ. 1.2.1, 1.2.2, 1.2.3):

8. Իրավիճակից ելնելով բաժինն առաջին անգամ ուսանողության շրջանում իրականացրել է ուսումնասիրություն հեռավար կրթության տված հնարավորությունների և խնդիրների վերաբերյալ: Հարցումն անց է կացվել 2020թ. մայիսին, որին մասնակցել է մասնաճյուղի առկա ուսուցման 1-ից 3-րդ կուրսերի 361 ուսանողից 289-ը (80%): Հարցման

արդյունքները մշակվել են և կներկայացվեն համապատասխան ստորաբաժանումներին: Պլանավորված է նմանատիպ հարցում իրականացնել նաև դասխոսական կազմի շրջանում:

9. Մասնաճյուղի ռազմավարական ծրագրի կարևոր գործողություններից է դասընթացների և կրթական ծրագրերի առցանց գնահատման համակարգերի ներդրումը (ՌԾ, գործ. 1.3.4): Այս խնդրի իրականացման շրջանակներում բաժինը դեռևս անցած ուստարում մշակել է դասընթացի գնահատման հարցաշար, որը քննարկվել և խմբագրվել է մասնաճյուղի դասախոսական կազմի հետ և փորձարկվել մի քանի դասընթացների համար: Հաշվետու ուստարվա 2-րդ կիսամյակի դասընթացների գնահատման համար բաժինը մշակել է առցանց հարցում, որը հունիսի վերջին, քննաշրջանի ավարտից հետո կկիրառվի: Իսկ կրթական ծրագրերի գնահատման առցանց համակարգի նախագիծ մշակվել է, բայց չի գործարկվել:

Պլանավորված հետևյալ գործողությունների շրջանակներում չեն իրականացվել, կամ իրականացվել են ոչ բավարար չափի ու արդյունավետության գործընթացներ: Դրանք են.

1. Չեն մշակվել և չեն առաջարկվել արդյունահեն և ձևավորող (ֆորմատիվ) գնահատման նոր ձևեր՝ հիմնված ակնկալվող կրթական վերջնարդյունքների գնահատման վրա (ՌԾ, գործ. 1.2.3):

2. Չի վերանայվել կրթական ծրագրերի մշտադիտարկման և պարբերական վերանայման կարգը, իսկ գործող կարգն ամբողջությամբ չի գործադրվում: Կրթական ծրագրերը վերնայվում են յուրաքանչյուր ուստարվա ընթացքում համապատասխան աշխատանքային խմբերի կողմից, կազմվում են հաջորդ 4-ամյա կրթական ծրագրերը և մայիսին ներկայացվում հաստատման:

3. Չի մշակվել վարչական, ուսումնաօժանդակ, ինժեներատեխնիկական տարակարգերի աշխատողների վերապատրաստման և ատեստավորման համակարգ (ՌԾ, գործ. 4.2.5):

4. Անդրադարձ չի կատարվել ԵՊՀ ԻՄ-ում ներքին աուդիտի համակարգին և նրա իրականացմանը (ՌԾ, գործ. 8.3.4):

Մասնագիտական կրթության որակի ապահովման բաժին